



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dispvtatio De Statv In Qvo Sint Beatorvm Animae Post
Hanc uitam, ante ultimi iudicij diem**

**Dévay Biró, Mátyás
[Nürnberg], [1537]**

VD16 D 1300

Condem Censvrae.

urn:nbn:de:hbz:466:1-34195

LEx obligat nos ad eandem integratatem & perfectio-
nem quæ fuit in Adam.

CENSURA.

HOc stigma est blasphemum , ab omni scriptura
alienum, ac Christianæ conscientiæ laqueum afferere
quod obliget nos Deus ad impossibile.

CONDÉM. CENSURÆ.

VT originalis iusticia, in qua creatus erat Adam, signifi-
cat integratatem virium corporis & animæ, ita pecca-
tum originis significat corruptionem virium earundem, &
haec corruptio morbus est, uitium ac defectus iustæ obedi-
tiae in nobis , sed lex siue ipse Deus exigit eandem integri-
tatem, perfectionem , in qua Adam erat creatus, vult enim
toto corde, tota anima , omnibus viribus, & tota fortitudine
diligi. Et cum hoc præstare nequeat natura, lex nos damnat
perinde atq; uoluntatis Dei transgressores , hinc est quod
omnes peccauimus. Sed Christus (cum nos implere legem
non possemus) impleuit pro nobis . Iam cogimur uel pro-
pria uel aliena perfectione perfecti esse. Sed cum propria
nō possum⁹, aliena nos pfectos esse necesse est, id est, Christi.
Ephe.4. Deponite uos secundū pristinam conuersationem
ueterem hominē, renouamini autē spiritu mentis uestræ, &
induite nouum hominem , qui secundum Deum creatus est
in iusticia, sanctitate, ueritate . Et Colo.3. Rom. 13. Induite
dominum Iesum Christum , Si Christum induere præcipi-
mur, Christus est iustus, sanctus, uerax, filius Dei, tunc obli-
gamur ad eandem integratatem , in qua Adam erat creatus,
quam in solo Christo recuperamus, Eusebius libro 7. præpa-
rationis

ephes. x.

Collos. 3.

Rom. 13.

Euseb. 7.

rationis Euangelicæ cap. 7. Propterea pietatem esse adhibendam censemus, & uirtuti dandam operam, ut delictum nostrum deleamus, & ad primum redeamus statum, non enim in terris finem homini esse constitutum, sed illic unde resiliat, restituzione imaginis, quam deprauauimus.

Augustinus de litera & spiritu cap. 26. Hoc enim agit spiritus gratiæ, ut imaginem Dei, in qua naturaliter facti sumus, instauret in nobis.

Henricus Dominica 23. post Trinitatem. Quo circa solerter nobis studendum ut imaginem dei, quā peccando in nobis corrupimus, poenitendo & digne uiuendo reparare satagamus.

Hieronymus in Ser. circuncisionis domini, dicit hominem iuxta imaginem & similitudinem Dei factum, eandem post reconciliationem formam recepturum, quam & nunc habent angeli, quam & ipse perdiderit

Augustinus libro 6. cap. 24. de Genesi ad literam: Renouabimur ergo spiritu mentis nostræ, secundum imaginem eius, qui creauit nos, quam peccando Adam perdidit. Et cap. 27. Induite nouum hominem secundum imaginem eius, qui creauit eum. Hanc imaginem in spiritu mentis impressam perdidit Adam per peccatum, quam recipimus per gratiam iustitiae. Sed nō opus multis. Cum & poenitentia sit reintegratio bene conditæ naturæ, plane liquet legem nos ad pristinam integratem obligare, et si hoc sit impossibile nostris uiribus, ut latius pateat beneficium per Christum collatum. Non est Deo impossibile, & profecto Deus impossibilia nobis præcipit.

Bernardus super Cantica Ser. 50. Præcipiendo nobis impossibilia, non peccatores constituit, sed humiles, accipientes itaq; præceptum, & sentientes defectum, in cœlum clameremus & miserebitur nostri.

Augustinus

Augustinus super Ioannem cap. 1. Viribus suis multum assignabant, & non poterant implere iusticiam, nisi adiuaret ille qui iusserat.

Item, non deest qui iubeat, sed deest qui impleat.

Idem de lib. arb. cap. 16. Sunt quæ facere non possumus, ut nouerimus quid ab eo petere debeamus, propterea fides orando impetrat, quod lex imperat.

Idem lib. 1, retract. cap. 19. Tunc mandata Dei implentur, quando quicquid non fit ignoscitur.

Dices Hieronymus sic scriptū reliquit; Anathema sit qui dicit Deum impossibilia p̄cepisse, seipsum interpretat in dia logis cōtra Pelagianos, inquit possibilia p̄ gratiā, impossibilia nostris uiribus. Fallitur ergo Frater ineluctabiliter utrobiusq; cū negat legē ad pristinam imaginē nos obligare, & cū negat Deum nobis impossibilia p̄cepisse. Nam si nostris uiribus implere possemus quæ Deus p̄cipit, tunc non indigeremus ipso Christo, nec gratia. Oratio autem p̄ceptiva frequens est in scripturis. Sed Deus ea p̄cipit, non quæ facere nostris uirib⁹ possumus, sed quæ facere debemus, si saluari uolumus. Sed cum nobis integrum non sit, ea implere, habemus Christum legis plenitudinem, qui nobis dat commodato suam perfectionem, modo syncera fide adeamus eum. Figmentum ergo est blasphemum, & ab omni scriptura alienum, quod Frater comminiscitur, & ingens dedecus quod doctorē Parisiensem hæc lateant. Rectissime Lactantius de ira Dei cap. 1. Remoto Deo, cœlestiq; doctri na, omnia erroribus plena sunt.

PROPOSITIO xi.

Poenitentia duas habet partes, contritionem & fidem.
I Censura